

## 9 NMP terima watikah pelantikan



**NMP BARU TERIMA WATIKAH PELANTIKAN:** (Dari kiri) Profesor Madya Randolph Tan, Cik Kuik Shiao-Yin, Cik Rita Soh, Cik Chia Yong Yong, Speaker Parlimen Cik Halimah Yacob, Presiden Tony Tan dan isteri Cik Mary Tan, Encik Thomas Chua, Encik Ismail Hussein, Encik K. Karthikeyan, Dr Benedict Tan dan Profesor Tan Tai Yong merakam gambar kenangan di Istana semalam. - Foto THE STRAITS TIMES

27 Aug 2014

Berita Harian

SEMBILAN Anggota Parlimen Dilantik (NMP) menerima watikah pelantikan daripada Presiden Tony Tan Keng Yam dalam majlis di Istana semalam.

Kumpulan itu dipilih oleh Jawatankuasa Parlimen yang dipengerusikan Speaker Parlimen, Cik Halimah Yacob.

Mereka akan mengangkat sumpah apabila Parlimen bersidang pada 8 September ini.

Calon-calon itu ialah Ketua Khidmat Kewangan Masyarakat Islam Maybank Singapura, Encik Mohd Ismail Hussein, 51 tahun; Ketua Pusat Perubatan Sukan Changi di Hospital Besar Changi, Dr Benedict Tan; Presiden Persatuan Cacat Anggota, Cik Chia Yong Yong; Presiden Dewan Perniagaan dan Perusahaan Cina Singapura, Encik Thomas Chua; naib presiden Kongres Kesatuan Sekerja Kebangsaan, Encik Karthikeyan R. Krishnamurthy; usahawan, Cik Kuik Shiao-Yin; Presiden Lembaga Arkitek Singapura, Cik Rita Soh; Timbalan Pengarah Pusat Kajian Gunaan Universiti SIM, Profesor Madya Randolph Tan; dan Naib Provos (Kehidupan Pelajar) Universiti Nasional Singapura, Profesor Tan Tai Yong.

Encik Mohd Ismail, yang juga pengarah Angkatan Karyawan Islam (AMP), merupakan NMP Melayu keempat sejak skim itu diperkenalkan 24 tahun lalu.

Dalam sidang berasingan semalam di sana, Encik Albert Chua dilantik Setiausaha Tetap Kedua Kementerian Ehwat Luar (MFA).